




ს ა ქ ა რ თ ვ ე ლ ო
ე პ ლ ა ქ ფ ი ლ ი ტ ე მ ი ს მ ე რ ი ბ



ბრძანება: ბ42.42211811
თარიღი: 30/06/2021

**არასამეწარმეო (არაკომერციული) იურიდიული პირის „ქალაქის-ფოთის ცენტრალური
პარკი“ წესდების დამტკიცების შესახებ**

საქართველოს ორგანული კანონის „ადგილობრივი თვითმმართველობის კოდექსის“ 106¹ მუხლის მე-6 პუნქტის შესაბამისად, მუნიციპალიტეტის/მუნიციპალიტეტების არასამეწარმეო (არაკომერციული) იურიდიული პირის დამფუძნებლის/წევრის უფლებამოსილებებს/ახორციელებენ მუნიციპალიტეტების/ მუნიციპალიტეტების შესაბამისი აღმასრულებელი ორგანო/ორგანოები. მუნიციპალიტეტების აღმასრულებელი ორგანო, როგორც დამფუძნებელი/წევრი, უფლებამოსილია მიიღოს გადაწყვეტილება მუნიციპალიტეტის/შენიციპალიტეტების არასამეწარმეო (არაკომერციული) იურიდიული პირისთვის ფინანსური საზოგადოებისა და მოძრავი ნივთების სარგებლობაში/საკუთრებაში გადაცემის შესახებ, უძრავი ნივთების სარგებლობაში გადაცემის შესახებ, დამტკიცოს შესაბამისი იურიდიული პირის წესდება (დებულება), განახორციელოს საქართველოს კანონმდებლობით განსაზღვრული სხვა უფლებამოსილებები. მუნიციპალიტეტის არასამეწარმეო (არაკომერციულ) იურიდიულ პირში, რომლის ერთ-ერთი დამფუძნებელი/წევრი შესაბამისი მუნიციპალიტეტია, ამ პუნქტში აღნიშნული გადაწყვეტილების მიღებაში მუნიციპალიტეტის შესაბამისი აღმასრულებელი ორგანო მონაწილეობს, როგორც დამფუძნებელი/წევრი. ამ შემთხვევაში გადაწყვეტილება მიიღება შესაბამისი იურიდიული პირის წესდების (დებულების) შესაბამისად.

ზემოაღნიშნული მუხლის მე-13 პუნქტის თანახმად, მუნიციპალიტეტის/მუნიციპალიტეტების კერძო სამართლის იურიდიული პირის ხელმძღვანელობაზე/წარმომადგენლობაზე უფლებამოსილი პირის დანიშვნის/გათავისუფლების შესახებ გადაწყვეტილებას შესაბამისი იურიდიული პირის წესდების (დებულების) შესაბამისად, როგორც კერძო სამართლის იურიდიული პირის დამფუძნებელი/პარტნიორი/აქციონერი/წევრი, იღებს მუნიციპალიტეტის აღმასრულებელი ორგანო.

საქართველოს ორგანული კანონის „ადგილობრივი თვითმმართველობის კოდექსის“ 54-ე მუხლის პირველი პუნქტის „ე.ე.“ ქვეპუნქტის, 61-ე მუხლის მე-3 პუნქტის „ა.“ ქვეპუნქტის, საქართველოს კანონის „საქართველოს შოგადი ადმინისტრაციული კოდექსის“ 52-ე, 53-ე მუხლებისა და 61-ე მუხლის პირველი ნაწილის შესაბამისად,

ვ ბ რ ძ ა ნ ე ბ :

- დამტკიცდეს არასამეწარმეო (არაკომერციული) იურიდიული პირი „ქალაქის-ფოთის ცენტრალური პარკის“ წესდება (თანახმად დანართი 1-სა).
- არასამეწარმეო (არაკომერციული) იურიდიული პირი „ქალაქის-ფოთის ცენტრალური პარკის“ დირექტორმა რომანი მიქაელ საქართველოს მოქმედი კანონმდებლობის შესაბამისად, აღნიშნული ბრძანება და წესდება, ასევე, ქალაქ ფოთის მუნიციპალიტეტის მერის 2021 წლის 22 ივნისის N42.42211739 ბრძანება „არასამეწარმეო (არაკომერციული) იურიდიული პირის „ქალაქის-ფოთის ცენტრალური პარკი“ ს დირექტორის რამაზ ქორქიას განთავისუფლების შესახებ“ წარადგინოს სსიპ საჯარო რეესტრის ეროვნული სააგენტოს ფოთის სარეგისტრაციო სამსახურში რეგისტრაციისათვის.

3. აღნიშნული ბრძანებით დამტკიცებული წესდების ამოქმედებამდე მოქმედი არასამეწარმეო (არაკომერციული) იურიდიული პირი „ქალაქის-ფოთის ცენტრალური პარკის“ წესდება ჩაითვალის ძალადაკარგულად.

4. ბრძანება ძალაშია ხელმოწერისთანავე და გავრცელდეს 2021 წლის 22 ივნისიდან წარმოშობილ სამართლებრივ ურთიერთობებზე.

5. ბრძანება შეიძლება გასაჩივრდეს, მისი კანონმდებლობით გათვალისწინებული წესით გაცნობის დღიდან ერთი თვის ვადაში, ფოთის საქალაქო სასამართლოში (მის. ქალაქი ფოთი, დავით აღმაშენებლის ქუჩა №3).

გოჩა კურდელელია

ქალაქ ფოთის მუნიციპალიტეტის მერია-ქალაქ ფოთის
მუნიციპალიტეტის მერი

გამოყენებულია კვალიფიციური
ელექტრონული ხელმოწერა/
ელექტრონული შტამპი

